



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586-411

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 71, 124. i 125. Statuta Općine Vogošća („Službene novine Kantona Sarajevo“, broj: 27/14 – prečišćen tekst, 14/15, 9/20 i 23/24), Zakona o pravima branilaca i članova njihovih porodica („Službene novine Federacije BiH“, broj: 33/04, 56/05, 70/07, 9/10, 90/17, 29/22, 60/24 i 6/26), Pravilnika o kriterijima, uslovima i postupku dodjele novčane pomoći za programe i aktivnosti od značaja za kulturu sjećanja, podršku civilnim žrtvama rata, logorašima, porodicama nestalih osoba i drugim srodnim udruženjima, Odluke o izvršavanju Budžeta Općine Vogošća za 2026. godinu („Službene novine Kantona Sarajevo“, broj: 2/26) i Odluke o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća objavljuje:

JAVNI POZIV

za dodjelu novčane pomoći za programe i aktivnosti od značaja za kulturu sjećanja, podršku civilnim žrtvama rata, logorašima, porodicama nestalih osoba i drugim srodnim udruženjima

I – PREDMET JAVNOG POZIVA

Predmet Javnog poziva je dodjela novčane pomoći za finansiranje i sufinansiranje programa i aktivnosti koji se odnose na njegovanje i očuvanje kulture sjećanja, podršku civilnim žrtvama rata, logorašima, porodicama nestalih osoba, kao i drugim srodnim udruženjima, a koji doprinose očuvanju historijskog pamćenja i vrijednosti odbrambeno-oslobodilačkog rata, uključujući projekte od značaja za građane općine Vogošća.

II – FINANSIJSKA SREDSTVA

Sredstva za realizaciju ovog Javnog poziva osigurana su u Budžetu Općine Vogošća za 2026. godinu. Ukupan iznos planiranih sredstava iznosi **20.000,00 KM**.

Minimalan iznos sredstava po projektu iznosi 200,00 KM, a maksimalan 1.000,00 KM.

III – PRAVO UČEŠĆA NA JAVNOM POZIVU

Pravo učešća imaju:

- udruženja i organizacije registrovane u skladu sa zakonima Bosne i Hercegovine koje djeluju na području općine Vogošća;
- udruženja i organizacije koje nemaju sjedište na području općine Vogošća, ali realiziraju programe i aktivnosti od šireg društvenog značaja ili u čijim programima i aktivnostima učestvuju građani općine Vogošća, odnosno koje ostvaruju saradnju sa institucijama i organizacijama sa područja općine Vogošća.

IV – VRSTE AKTIVNOSTI

Aktivnostima koje se odnose na kulturu sjećanja smatraju se naročito:

1. obilježavanje značajnih datuma i događaja iz perioda odbrambeno-oslobodilačkog rata;
2. programi i aktivnosti koji se odnose na očuvanje i promociju kulture sjećanja;
3. aktivnosti podrške civilnim žrtvama rata, logorašima, porodicama nestalih osoba i drugim srodnim udruženjima.

V – USLOVI ZA DODJELU SREDSTAVA

Podnosioci zahtjeva dužni su ispunjavati sljedeće uslove:

- da su registrovani u skladu sa zakonima Bosne i Hercegovine;
- da program ili aktivnosti doprinose njegovanju i očuvanju kulture sjećanja;
- da program ili aktivnost ima jasno definisan cilj, aktivnosti i očekivane rezultate;

- da se aktivnosti realizuju ili su planirane na području općine Vogošća ili da imaju značaj za građane općine Vogošća;
- da su dostavljeni potpuni i uredni aplikacioni obrasci i dokumentacija.

VI – POTREBNA DOKUMENTACIJA

Uz prijavu na Javni poziv potrebno je dostaviti:

1. popunjen i potpisan obrazac prijave;
2. rješenje o registraciji udruženja;
3. opis programa ili aktivnosti sa jasno definisanim ciljevima i planom aktivnosti;
4. finansijski plan programa ili aktivnosti;
5. izjavu o namjenskom utrošku sredstava;
6. potvrdu banke o transakcijskom računu udruženja.

VII – KRITERIJI ZA DODJELU SREDSTAVA

Prilikom razmatranja prijava posebno će se uzeti u obzir:

- značaj projekta za njegovanje kulture sjećanja i lokalnu zajednicu;
- kvalitet i realnost finansijskog plana;
- broj članova udruženja/organizacije;
- održivost projekta i njegovi dugoročni efekti.

VIII – POSTUPAK DODJELE SREDSTAVA

(1) Pristigle prijave razmatra nadležna općinska služba koja vrši administrativnu provjeru i stručnu procjenu.

(2) Na osnovu izvršene procjene, a uz prethodnu saglasnost Općinskog načelnika, zaključuje se sporazum o dodjeli sredstava.

IX – ISPLATA I IZVJEŠTAVANJE

(1) Odobrena sredstva uplaćuju se na transakcijski račun korisnika.

(2) Korisnici sredstava dužni su:

- dostaviti izvještaj o realizaciji aktivnosti;
- omogućiti uvid u dokumentaciju na zahtjev Općine;
- koristiti sredstva isključivo za namjene za koje su odobrena.

U slučaju nenamjenskog utroška sredstava, Općina ima pravo zahtijevati povrat sredstava.

X – ROK I NAČIN PODNOŠENJA PRIJAVA

Prijave sa potrebnom dokumentacijom podnose se putem protokola Općine Vogošća ili putem pošte na adresu:

OPĆINA VOGOŠĆA Služba za boračko-invalidsku i socijalnu zaštitu Ulica Jošanička broj 80 71320 Vogošća sa naznakom: „**Prijava na Javni poziv za dodjelu novčane pomoći za programe i aktivnosti iz oblasti kulture sjećanja**“

Javni poziv ostaje otvoren do 31.12.2026. godine ili do utroška planiranih budžetskih sredstava.

Nepotpuni i neblagovremeni zahtjevi neće se uzimati u razmatranje.

Broj: 09-37-507-1/26

Vogošća, 25.03.2026. godine

OPĆINSKI NAČELNIK

Migdad Hasanović